

傷寒陰陽症論

凡治傷寒須辨陰陽二症不可誤治也且以陽症言之則太陽、明少陽三陽也如病在太陽則熱在皮膚之分便有頭疼惡寒體痛等症其脉必浮而緊如病在陽明則熱在肌肉之分或壯熱或蒸、發熱或熇、發熱便有頭額痛或潮熱自汗等症其脉必微而洪如病在少陽則心肌熱或半表半裏熱或往來

寒熱便有頭角痛口苦嘔而胸脇滿痛等症其脉弦而數蓋陽症面紅光彩唇紅口乾舌燥能飲水漿其人身輕易以轉動常欲開目見人喜欲言語其聲響亮口鼻之氣往来自然小便或赤或黃大便或秘或硬手足自然溫煖衣甲俱紅活此皆陽症也如以陰症論之則太陰少陰厥陰三陰也如病在太陰手足溫而微冷脉息漸沉或自利腹滿嘔吐不渴如病

在少陰雖則發熱手足自冷脉必沉細如病在厥陰
則手足厥冷脉微而緩甚則唇青舌卷囊縮失氣陰
疰則面青黑或有虛陽泛上面雖赤色而不紅活光
彩其人身重難以轉側或向壁臥或倦卧欲寐或閉
目不欲見人而懶言語或氣少而難以布息或口鼻
之氣往來自冷其聲言不響亮或前輕後重或時燥
熱煩渴不能飲水唇口或青或紫舌色或青或紫或

白胎鋪滿而滑不見紅色手足自冷爪甲或青或紫
血自紅活小便青白或淡黃大便不寔而或瀉或熱
在肌表之分以手按之殊無大熱陰甚者則冷透手
也陰症發熱自與陽症發熱有異不可以面赤煩渴
為論要在明辨治之

傷寒陽症似陰例

陽症似陰者乃火極似水也蓋傷寒熱甚失於汗下



陽氣亢極鬱伏於內反見勝已之化於外故其身涼
手足逆冷而乍溫壯若陰症大抵唇焦舌燥能飲水
漿大便閉硬小便赤澀設有稀糞水利出此內有燥
屎結聚乃旁流之物非冷利也再審有屁極臭者是
也其脉雖沉切之必滑數有力或時燥熱不欲衣被
或揚手擲足或譫語有力此陽症也輕則四逆散合
小柴胡湯渴用白虎湯合解毒湯潮熱大便實者用

大柴胡湯重則燥寔堅硬痞滿全具者用大承氣湯
下之故經云身寒厥冷其脉滑數按之鼓擊於指下
者非寒也此則陽盛拒陰也

傷寒陰症似陽例

陰症似陽者乃水極似火也蓋傷寒傳變或誤服寒
涼藥攻熱太速其人素本腎虛受寒遂變陰症冷極
於內逼其浮游之火發見於外其人面赤煩燥欲坐



井中身有微熱渴欲飲水復不能飲大便閉結或
利小水淡黃或嘔逆或氣促或鄭聲或咽痛
似陽庸醫不識見其面赤煩渴便結認作陽
寒涼之劑下咽遂斃可不謹哉切其脉若沉細遲微
以通脈四逆湯倍加參附以接真陽之氣設或救遲遂至
陰盛陽衰雖使參附亦不能救此與陰甚格陽例同
內經所謂身熱脉數按之不鼓擊於指下者此乃陰

甚格陽非熱也又云面赤面赤煩渴引飲脉來七
至而按之則散者此無根之脉用人參四逆湯治之
而愈此陰陽幽顯之奧水火微兆之徵傷寒瀕得
授講明庶獲效矣

理中湯

自有
加減

治太陰腹痛或嘔吐食不下或腹中痞或自利不

渴脉沉遲無力



人參^中 白朮^中 乳姜^上 甘草^下 加肉桂 陳皮 寒極

脉微厥冷或脉伏絕加熟附子嘔吐加乳姜^上丁香

半夏去甘草蓋甘能發嘔故去也吐蛇加烏梅^花

枳去甘草若呃逆加良姜丁香柿蒂姜汁若臍下

築然動氣者此腎氣發動即奔豚也須去白朮

加肉桂若腹脹加厚朴若心悸或小便少加茯苓

若瀉多不止加炒蒼朮白朮肉果訶子甚不止加

升麻少許粟壳以陳壁土炒用若瀉多小

便不利

合五苓散名理苓湯若內虛腹痛合小建中湯若

內實加木香砂仁名香砂理中湯若心下痞滿

寒食結胸不散加枳實名枳實理中湯若中脘因

於寒食痞悶加青皮陳皮名治中湯若內寒腹痛

甚加茱萸乳沒丁香木香用諸藥其痛不止者加

大黃利之此痛隨利減之法故經云痛則不通



則不痛是也

若先因欲事而後傷寒名曰夾陰傷寒腎家真氣
內弱所以脉沉足冷者因虛陽上升所以面赤用
附子以溫少陰腎經而助真陽之氣佐以麻黃發
散表間寒邪加以細辛引入少陰部分乃仲景妙
法不可不知

水姜煎服取微汗為度若病輕去細辛加甘草以

緩之名麻黃附子甘草湯

附子湯

治少陰手足厥冷身體疼痛脉沉者又有二

口中和背惡寒者又治脉微細但欲寐者又倦卧
惡寒欲寐又腎虛引水自救小便色白者者宜下
之

人參

中

芍藥

中

白朮

中

茯苓

下

附子

上

加
乾姜



水姜煎服

真武湯

治少陰二三日不已至四五日腹痛小便不利

肢沉重疼痛下利者為有水也其人或咳嗽或嘔

或小便自利者即前附子湯去參名真武湯若咳

者加五味細辛甘草若小便利去茯苓不利去芍

藥加乾姜若嘔去附子加生姜半夏陳皮脉虛細



加人參若汗下吐後虛而肉瞤筋惕身振欲擗者本湯加參芪歸本方有加減法在前

四逆散

治少陰四肢厥冷其人或咳或悸或小便不利腹

中痛或泄利下重此四味乃平淡之劑如何可治

四逆之冷蓋此四逆為陽和傳變厥陰經故也此

皆解傳經之邪非治陰寒也



柴胡^上 芍藥^中 枳實^中 甘草^下 若咳加五味^中 乾姜^中

下利心悸加桂枝小便不利加茯苓腹痛脈沉

冷加熟附嘔加生姜汁 水姜煎服

四逆湯

又名通脈四逆湯
本方自有加減法

治少陰症初起無頭疼無身熱就便惡寒厥冷脈

沉或伏戰慄倦卧或嘔瀉利腹痛此直中陰經真

寒症又治夾陰中寒面色青脈沉厥冷囊縮舌卷



者及治下利清穀裏寒外熱身痛脉沉厥冷欲絕者腹痛嘔或咽痛下利與少陰煩燥下利不止脉不出者附子^上 乾姜^中 甘草^下 虛人加人參

木瀉多加炒白朮蒼朮茯苓下利甚者加肉果訶

子粟壳升麻炒陳壁土熟艾木通燈心二十根取

土氣以助胃氣取升麻以提元氣不過至陰之下求其升也面赤加葱白九根嘔吐不止加姜汁半



醫宗金鑑